

nulis pallidis in certa lumine fuscis; segmento maris genitali ad marginem aperturæ mutico. Long. ♂ 7 mm.

Asia minor (ad flumen Hermos! d. 11 maji), D. J. Sahlberg.

A *Ph. citrino* Bol., cujus mas mihi ignotus, pronoto macula basali fusca destituto, antennarum articulo primo haud chermesino-variegato sed alboguttulato, femoribus fusco-conspurcatis, solum posticis inferne anguste chermesinis, tibiis innotatis, clavo apice concolore cuneoque margine interiore punctis nigris destituto divergens. Corpus maris subelongatum. Caput (♂) basi pronoti fere duplo angustius, nutans, a supero visum pronoto fere aequae longum; basi clypei fere in tertia basali parte altitudinis capitis a latere visi posita, angulo faciali subrecto. Oculi fusci, parum prominentes, a supero visi oblongi. Rostrum segmentum maris genitale attingens, pallide flavens, apicem versus nigrum. Antennae pallidae flavae, articulo secundo apicem versus ultimisque leviter fuscescentibus, illo primo paullo minus quam duplo et margine basali pronoti fere dimidio longiore, tertio secundo circiter $\frac{1}{4}$ brevior, quarto tertio circiter $\frac{1}{3}$ et primo circiter $\frac{1}{4}$ brevior. Pronotum latitudine basali paullo minus quam duplo brevius, subhorizontale; lateribus leviter bisinuatis. Hemelytra maris latitudine communi saltem triplo longiora, parallela. Femora postica latitudine maxima fere duplo longiora, subglabra. Tibiae spinulis crassitiei tibiae maximae aequae longis.

2. *Phytocoris bivittatus* Reut.

Oblongus (♂), pallidissime flavens, opaculus, albo-pubescentis, pilis nigris totus destitutus; pronoto limbo basali ante marginem anguste cinereo-nigricante, scutello basi anguste cinereo-nigricante, cetero innotato, hemelytris sutura clavi utrinque sat late corioque apicem versus intra venam cubitalem cinereo-nigricantibus vel cinereo-nigricanti-conspurcatis, macula parva oblonga obscurius nigra ad angulum interiorem cunei, cetero innotatis, membrana praecipue medio et apicem versus dense minute nigricanti-conspersa, limbo exteriori late fere innotato, venis omnibus pallide flaventibus;